



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### ბუკია ალექსანდრე იონას ძე



ბუკია ალექსანდრე იონას ძე (17. V. 1906, ქუთაისი, – 15. XI. 1976, თბილისი), კომპოზიტორი. საქართვე. სახ. არტისტი (1966). 1932 დაამთავრა თბილ. სახელმწ. კონსერვატორია (კომპოზიციის კლასი, ხელმძღვანელები პროფ. ს. ბარხუდარიანი, მ. ბაგრინოვსკი და ი. ტუსკია). ამავე წლიდან მუშაობა დაიწყო საქართვე. რადიოკომიტეტში სამუსიკო განყოფილების უფროსად. 1972 – საქართვე. ტელევიზიისა და რადიომუნიციპალიტეტების სახელმწ. კომიტეტის მუს. კონსულტანტი იყო, 1948–73 საქართვე. მუსფონდის გამგეობის თავ-რე.

ა. ბუკია

ბ-ს მნიშვნელოვანი ნაწარმოებია საბავშვო ოპერა „დაუპატიჟებელი სტუმრები“ (1949, ლიბრეტო ლ. ესაკიასი და დ. გაჩეჩილაძისა, დაიდგა 1969) – ამ ჟანრის ერთ-ერთი საუკეთესო ნიმუში ქართ. მუსიკაში; 1952 გაკეთდა ოპერის რადიომონტაჟი რუს. ენაზე (მოსკოვი). 1961 ოპერა დაიდგა გერმანიის ქ. აიზენჰიუტენშტადტში (კლავირი, 1961). ბ-ს ეკთვნის აგრეთვე ჰეროიკულ-დრამ. ოპერა „არსენა“ (ლიბრეტო დ. გაჩეჩილაძისა და ს. ზაქარიასისა, 1958), საბავშვო ოპერა-ბალატი „სამი მჭედელი“ (1967), სიმფონია (B-dur, 1947), სიმღერები, რომანსები და სხვ.

მიღებული აქვს სახელმწ. ჯილდოები.

**მ. გედევანიშვილი**